

Euskal herritarrek geroa erabakitzeke eskubidea dutela onartu du PSN-PSOEk

Alderdi sozialistak bere egin du Elkarriren 'bakerako borondateen kontratua'

Elkarri mugimendua-
ren 'bakerako boron-
dateen kontratuarekin' bat
egitean, Nafarroako sozia-
listek onartu egin dute eus-
kal herritarrei dagokiela
Euskal Herriaren etorkizu-
naz erabakitzea.


Ana Unanue / Iruñea

PSN-PSOEk ez du inolako era-
gozpenik ikusten Elkarriren
'kontratua' oso-osorik onartzeko.
Hala adierazi zuen atzo Carlos
Cristobal alderdiko antolakuntza
idazkariak, Bittor Aierdi eta Jo-
nan Fernandez Elkarriko orde-
zkariak elkarrizketatu ondoren.

Elkarriren 'kontratua' izenpe-
tzean, euskal gatazka modu de-
mokratikoan eta elkarrizketaren
bidez konpontzen saiatzeko
konprometua hartu du sozia-
listek. Era berean, «edozein hel-
buru politiko modu demokrati-
koan defenditu eta lortu ahal
izateko, bide juridiko eta politi-
koak irekitzeko borondatea»
azaldu du PSNk. Horrez gainera,
Euskal Herriaren geroa erabaki-
tzea euskal herritarrei dagokiela
aitortu dute sozialistek, etorki-
zunean gehiengoak erabaki de-
zakeena onartzeko prest agertu
baitira.

Bittor Aierdik «historikotzat» jo-
zuen sozialisten jarrera aldeketa,
horri esker Nafarroak bere ara-
zoak modu demokratikoak kon-
pontzeko parada izango duela-
koan. Adibide gisa Jose Antonio
Ardanza lehendakariak eta Ja-
vier Otano Nafarroako gobernu-
buruak sinatu berri duten hi-
tzarmena aipatu zuen Elkarriko
ordezkariak. Honen irudiko,
«euskal gatazkaren azpian dau-
den arazoetako bat konpontzeko
abiapuntu egokia» izan daiteke
hitzarmen hori.

Elkarrizketa bultzatzeko bo-
rondatea azaldu arren, Nafa-
rroako sozialistek ez dute uste



PSNko eta Elkarriko ordezkariak elkarrekin izan ziren atzo Iruñean.

EFE

«Edozein helburu politiko modu demokratikoan
defenditu eta lortu ahal izateko, bide juridiko eta
politikoak irekitzeko borondatea» azaldu du PSNk

gaur egungo giro politikoa elka-
rrizketa prozesu bati ekiteko
aproposena denik, Herri Bata-
sunaren aldetik ez omen dagoe-
lako horretarako benetako bo-
rondaterik. «Elkarrizketarako
oztopo handienak ez ditugu al-
derdi demokratikoek jartzen,
Euskal Nazio Askapenerako
Mugimenduak berak baizik. El-
karrizketak ez gaitu beldurtzen,
baina bestaldean ezer ez dela
mugitzen ikusirik, ez zaigu ego-
kia iruditzen oraingoz urrats be-
rriak ematea», adierazi zuen
Cristobalek.

«Nafarroak ezin du terroristentzat
aitzakia izan». • PSNko antola-

kuntza idazkariaren ustez, «an-
tzua» eta «alferrikakoa» litzateke
gaur egungo egoeran elkarrizke-
tarako proposamenak egitea.
«Hala ere, horrek ez du esan nahi
PSOEn baitan bide horretatik
saiazen diren kontra gaude-
nik, ezta gutxiago ere», azpima-
rratu zuen Cristobalek. Honen
arabera, PSNk erabat errespetat-
zen ditu Jesus Egigurenen mo-
duan urrats «ausartagoak» eman
nahian ari diren alderdikideen
ahaleginak, baina Nafarroako
sozialistek ez dute normaliza-
zioaz haratago joateko asmorik
oraingoz.

Cristobalek adierazi zuenez,
«PSNren apustu ofiziala normali-

zazioaren aldekoa da. Nafarroa
ezin da terrorismoarentzat ait-
zakia izan eta, horregatik, arlo
guztietan normalizazioa lortzen
saiautuko gara». Nafarroak EAE-
rekiko harremanak eta hizkuntz
politika normalizatzen dituen
neurrian indarkeriak argudio
gutxiago izango dituela uste du-
tenez, sozialistek bide horretatik
joko dute aurrerantzean. «Hori
izango da gure zeregin apala,
jakin badakigulako ez garela
protagonista izango terroris-
moaren amaiera ekar dezakeen
prozesuan», aipatu zuen Cristo-
balek.

PSNk ezezik, Izquierda Unidak
ere bere egin du Elkarriren 'ba-
kerako borondateen kontratua'.
Elkarrizketaren 'eta akordioaren
aldeko mugimenduak euskal al-
derdi politiko guztiei aurkeztuko
die bere kontratua, ea denen ar-
tean bakea lortzeko gutxieneko
puntuak zehazten dituzten.' X

«Arabartasun» kontzeptua aldatzea lortu duela dio HBk

Proiektu nazionala herrialde bakoitzaren ezaugarriekin bateratzen saiatu da azken hiru urteotan

Karmele Jaio / Gasteiz

ARABAN jarraitu beharreko ildo
politikoa zehazten duen oina-
rrizko txostena aurkeztu zuen
atzo Herri Batasunak. HBren
proiektua «nazionala» dela esan
zuen Antton Morcillo koalizio ho-
netako Arabako arduradunak,
baina «lurralde bakoitzaren aniz-
tasuna» kontuan hartzen duela.
Morcilloren arabera, «euskaldu-
nak gara arabatarrak garelako»
eta HB ez dator bat EAJk defen-
ditzen duen «Sabino Aranaren
ideologia homogeneizatzaileare-
kin».

Orain dela hiru urte, Herri Ba-
tasunak Arabarako ildo politi-
koaren eztabaidari ekin zionean,

«arabar eta euskaldunen arteko
gatazka faltsua ezabatu» nahi
zuen Antton Morcilloren arabera.
Taldea abertzalearen ustez «es-
kuineko alderdiek asmatu egin
dute gatazka hori». HBk «proiek-
tu heterogeneo eta anitza» darama
aurrera «inolaz ere zentrali-
zatzailea» Arabako HBko ardu-
radunak dionez.

Urte hauetan, HBk Araban
«bide beharrezkoari ekin dio»
Morcilloren ustez eta honen adi-
bide da «sozialki Araban dagoen
benetako ezkeriar erreferentzia
bakarra» dela. Mahai Nazionale-
ko kideak dionez, euskararen
indartzean ere gogor saiatu da
talde abertzalea: «Arabian eus-
kara baztertua izatetik, euskal-

dun izateagatik harro sentitzea
lortu dugu».

Trebiñoren kasuan, HBk gaia
«eguneratu» egin duela dio Mor-
cillok, «amets erromantiko» bat
izatetik «lehen mailako arazo po-
litiko bat» izatera heldu delako.
Politikari abertzalearen ustez,
Trebiñoko arazoaren protagonis-
moa «herriak berak lortu du
eta ez erakundeek, EAJk propo-
satzen duen bezala».

Lorpenak aipatzeaz gain, talde
abertzaleak egungo Arabako
egoera politikoaren azterketa
egin zuen. Arabako erdi eta es-
kuineko esparruen arteko bata-
sun bat ematen ari dela somatu
du HBk. UAK jasandako behe-
rakada nabaria da HBren ustez

eta Iñaki Usategi Arabako bil-
tzarkideak dionez «honek pozez
betetzen gaitu», baina «kontutan
hartu behar da indar eskuinda-
rrak oso finkaturik daudela Ara-
ban».

PSE-EEK, bestalde, «benetako
larritasunak jasaten ari da Ara-
ban» Usategik dionez. Sozialistek
«espainiar kutsua duen guztia
defenditzen dute» esan zuen
Usategik eta «Araba Ebroko bes-
taldera eramatearekin amets
egiten dute». PSE-EEren behe-
rakadak IUren gorakada ekarri
du HBren ustez, baina biltzarki-
de arabatarraren esanetan «IUk
erakundeetan lortu duen pre-
sentiak ez du islarik izan Ara-
bako gizartean». X

**Delegazioko
iruzurrari buruz
deklaratu dute
Pascualek eta
Berduquek**

Beste hiru lekuko ere
epailearen aurrean
agertu ziren atzo

A.Unanue / Iruñea

ANTONIO PASCUAL Iruñeko
poliziburu ohiak eta Mariano
Berduque Nafarroako Go-
bernu Delegazioko idazkari
ohiak epailearen aurrean de-
klaratu zuten atzo, lehenak
lekuko gisa eta besteak in-
putatu moduan. Pascualek
eta Berduquek Gobernu De-
legazioko iruzurrak deklaratu
zuten.

Gogoratuko denez, Delega-
zioko kontu korronteetako
irregulartasunak Pedro Ruiz
del Alegria delegatu ohiak
salatu zituen 1994ko mar-
txoan. Salaketa haren eragi-
nez Maria Jose Rubio funtzio-
naria atxilotu zuten. Rubiok
Nafarroako hainbat enpresa-
riri dirua eskatu ziela aitortu
zuen epailearen aurrean. De-
legazioko funtzionari ohiaren
arabera, dirua ETArek aur-
kako borrokarako behar zu-
tela esaten zieten enpresariel
eta gero sekulako interesekin
itxultzen zieten 'mailegua'.
Irregulartasunak ordaintete-
tan atzeratzen hasi zirenean
atera ziren argitara.

Rubio ezezik, haren senarra
eta Berduque ere inputatu
dituzte auzian. Delegazioko
idazkari ohiari diru publikoa
desbideratu, agiriak faltsutu
eta iruzur egin izana leporatu
dizkiote. Gaur egun behin-be-
hineko askatasunean dago,
lau milioi pezetako (160.000
libera) ordaindu ondoren.
Atzo ordu t'erdiz deklaratu
zuen Iruñeko instrukziozko 2.
epaitegian. Epailearen au-
rrean, Berduquek susmopean
dauden zenbait txeke sinatu
zituela aitortu zituen. Hala
ere, Delegazioan protokoloko
gastuak ordaintzeko «erabili
ohi zuten kontuaren eran-
tzuleak gobernu delegatua
bera eta haren idazkaria zirela
esan zuen.

Pascualek lekuko gisa de-
klaratu zuen, Iruñeko polizi-
buru zenean hilero sobre ba-
tean jasotzen zuen dirutza
(100.000 pezetatik 500.000
pezetara bitarte) zertan era-
biltzen zuen argitzeko. Pas-
cualek diru hori «gastu sozia-
letarako» erabiltzen zuela
esan zion epaileari.

Ostalaritzako beste hiru
enpresarik ere lekuko gisa
deklaratu zuten. Hauek epai-
leak erakutsi zizkien zenbait
faktura beraienak zirela ai-
tortu zuten. Antza denez, Go-
bernu Delegazioan bikoiztu
egin zituzten aipatu faktu-
rak, desbideratutako diru-
tzaren erabilera (500.000 pe-
zeta inguru) justifikatu ahal
izateko.

Oraingoz Rubio funtzionari
ohia bakarrik espetxeratu
dute Delegazioko iruzurraren
kasuagatik. Rubio kartzelan
izan zen 1994ko ekainetik
aurtengo iraila bitarte. X